

續修四庫全書

《續修四庫全書》編纂委員會編

續修四庫全書

上海古籍出版社

一三五三・集部・別集類

陳恭介公文集十二卷（卷七至卷十二）〔明〕陳有年撰……………一

補刊震川先生集八卷〔明〕歸有光撰……………一四九

處實堂集八卷續集十卷後集六卷〔明〕張鳳翼撰……………二〇九

陳恭介公文集卷之七

明餘姚心穀陳有年著

吉水南阜鄒元標校正

萬載崑崗張璧同校

從子陳啓孫付梓

冢子陳啓端編輯

記

三種樓記

三種樓主人舊有樓若干楹主人少長於斯其曰三

種則晚歲始類之也

主人脩幹骨立翩翩如野鶴蚤

從陽明先生游有四方之志不遂隱環堵地有朱峯

號朱峯山人嘗游吳亂錢塘湖焉出沒駛颶驚濤中

竟不死或說曰天寔免子揆子心豈固有免道耶因

號見心道人居久之而類其樓廼稱曰余生無所効

於世敢餐世乎哉余種禾以食種桑以衣種德以不

辱余之業在樓之三物矣更號三種樓主人云主人

類樓之年而心穀癯農歸田於大江之坳主人過而

訪焉問記夫已則涼德而退自託於不暎之農安知

主人雖然吾聞主人言隱然若有動於吾衷也為述其梗槩作記主人名學字惟敏徐氏世居姚江東北二十里而遙曰馬堰里癯農同邑陳有年也

餘姚縣學田記

餘姚學故有田贍士若增置以儲葺學則當新學之後六年李侯視事之四年也而李侯先曰鄧侯寔首議議曰學所繇積圯坐費詘又憚歛會故茲屬有公地可備得藉手而新厥圯顧若異日何誠以所樽縮之贏市常稔田歲儲其入以時視葺贏且不竭學可

永不敢便議既畢協無何鄧侯內召去得李侯廼竟

成之云國家右文作士窮微下邑聲訓旁皇可謂

綦隆然而諦觀庠校即俊國時有敝漈之嘆則何也

天下之傳舍其官而日徵於簿書久矣簿書所不亟

見謂潤遠而媮自恕第令不得已焉畢目前沾沾不

甯足矣遑久長慮哉藉有之蓋不數睹也以其不數

睹也繼者或又從而傳舍之不式於規隨之義不究

宣厥圖公家事往往職是廢學政其尤也吾姚幸而

有二侯又幸比時至不然若而舉也可與舉又瑣又

者語哉陳有年曰學曰何為者也是禪教之邪廓也夫古王者立教則固有文實矣教化陵夷更數百年大都并文與實而兩失之者半既其文不既其實者亦半并文與實而兩失之亡論也夫亦已既其文矣而撫時摩化迄規於古得非文實之辨洵王者之所重耶諄於王者之所重則雖提空文以為之邪廓而不足以造士欲舉王者之所重而蔑置其邪廓不之理則所重者將無所寄而能行士生晚近之世其亦難成也已然王教遠矣其實可考見其在身心可

陳泰介公文集卷七

三

內循而著且察也不得謂之終湮而今之曰學曰學田云者良大夫方後先而理之士方儒冠鼓篋游且賸於其間也不得謂無邪廓可寄繇良大夫之舉以敬應 國家右文之治而原本於王者之教之所重士不當如是耶吾姚故稱俊國閭黨之間被服詩書斷斷如也立德倡道稱天下士者接武而出士生斯地而益交勉為古人之學不徒以現文榮問相矜表是在為之而已或亦良大夫意也奈既嘉興邑士領二侯之義又大誤亡紐世教無以自振於晚近而使

後之君子繼興既其文而不既其實者同類而共惜之也故於李侯之問記而僭反之貽諸來者以覽與焉鄧侯名林喬內江人李侯名時成蘄水人學由凡五十二畝三分有奇其區至佃入列諸碑陰

吏部考功司題名記

謂天下事名耶古卓詭之士靈名隱伏惟恐閔之不深而星流世齒頗謂無事名耶結繩勿論若乃後天開物之英降迨九官十六族具可考而名也夫名教之興尚矣榮名亘宇宙傳名不齒于塗之屬名哉名

陳泰介公文集卷七

四

哉中古以來何其斷不也陳有年曰不佞故嘗為司功云云國家稽古建官錯事而衡名實不可勝辨綜諸司功其佈在功令若稱者不者貪者酷者罷者不謹者躁淺者才不及者老疾不任者雜然並程畫然而明列較然摩若者之實而不得眩鑿然被以若者之名而不得辭昭昭然若揭日月而行也或或然舉國之利器而以示人也此夫修混泥之術者所不韙也而盛王之所宰制也聖喆之所諦也志烈之所徇也好脩者之所依而葆也齊智之所為其教

而動應也天下得之則明失之則幽得之則理失之
則名不能易也病者曰名教興使人礪真宅而
適於名之肆以奇貨市為世祿祥嗟嗟其然哉請循
其本本期於真不期適如以真則名與實未始離也
子病實手如以適方病其以名市也又安知其不以
無名市也若惟無適適則吾第按實而簡斥之奚逆
病焉且 國家令若日月中天然然而谷歟薤歟
之俵俵歟吾猶不敢知也利器非匱也砥者一之玩
弗砥者二之頓弗受砥者三之吾亦不敢知也若之

陳恭介公文集卷七

五

何塗斯世於長夜而示人以鉛也夫司功名實之官
也曩不佞進受牘於庭而榮者榮僂者僂則為之疎
意恨退食於宴所有題名焉論其世而榮者榮僂者
僂則又為之疎意恨彼其榮若僂也人之麗名耶抑
名麗人耶此其惧也牘若石交儼我耶抑自為儼耶
嗟嗟天下小大之工亡慮數千萬人司功與居一焉
後先而為司功亡慮數千百人不佞與居一焉吾與
若皆遊於名教之內者也久矣夫其遍相名也然而
吾之名斯人也歟哉不如其自名也人之名吾也歟

哉不如吾自名也此吾之所為惧也非為其相名也
而為吾之自名也相名相適吾有真吾者存人各以
其真吾而後名之教不為天下病然則題名贅石乎
曰人奚而鑑也盤奚而有銘也頻焉遇慢焉思戚戚
焉若命也此以真謀者也題名倘亦有裨乎適斯贅
石矣不佞為郎之歲會石盈無以待來茲乃謀負外
郎劉希哲氏主事謝思敬氏趙夢白氏更伐石已而
不佞遷繼者黃魯卿氏式成之成之日偕負外郎王
子脩氏主事陸梁氏劉元澤氏寔來董記事不佞

陳恭介公文集卷七

六

劣劣自承乏部中旋已旋復十八年而即是司名實
無所底胡空言為無已聊志吾惧而後之君子擇焉
商

傳

徐聘君傳

正德間有徐聘君聘君者名文彪字望之上虞人也聘君之名遭堅瑾益著余為諫意三嘆云 國朝自制舉盛蒲輪淵䟽間降世胥命曰盛節英廟時石亨以驍獮介寵靈至恣睢也其推轂康齋獨隆甚彼豈知下賢哉第浮慕之耳猶然如此或曰康齋卒得入赤墀賜對晚亨苞遂節曾不一語險箕疇威福風上迨退更為亨叙世譜以故倖不悟則余弗敢知矣武

原恭介公文集卷七

七

吉

皇初基詔下郡國察舉賢良以聞時特議者三顧命相也亡何堅瑾用事劉文靖謝文正孫於野瑾方深心螫謝蔓及諸名卿正人籍為黨國事日大異會浙省上所辟士聘君與文正邑人徐君子元周君禮寔偕瑾怒而聘君者睹國事異也試文部陳策忼慨中援蕭傳恭顯語有規切當是時瑾呼吸生殺人又時時矯命起不測獄以焮時流時流索息務周容或頌功德甚則碩望大臣亦藉口調停脂韋不自惜聘君一布衣也出語輒爾爾或持以視瑾瑾則愈怒遂下

原恭介公文集卷七

八

吉

浙所上士錦衣袞掠不死械發戍遙聘君得鎮番子元禮得肅州云初聘君之辟也邑令汪君度三造廬為駕乃起是歲汪亦坐廢鎮番斗入朔漠雅不嫻於俎豆聘君至介冑家稍稍遣其子弟從問學聘君為稱說儒術副以經義士圍聽益興始屋居人士卒而河西諸部奔走焉聘君至戍之三年瑾敗誅諸附者以輕重伏罪而瑾故所矯誦咸啣宥歸矣方聘君難聞于家人人生不聞鎮番所在已知其出絕徼逾流沙益西也聚泣謂九死不復入聘君子子奎子厚奮以死從兄弟耦而往屬虜旁塞陷危百端迄達聘君所侍歸歸二十有七年卒聘君有大節蚤博文以父疾棄制舉不應晚歸力義軌俗繇宗而行諸鄉具有紀可則事在領司寇應祥誌中司寇聘君高第弟子也卒之日鄉校上其行觀察使者登鄉賢祠祀焉後一二紀聘君子若孫以仕至輦下逢鎮番人胠篋出聘君手草至有泣下者聘君子若孫甚庶多章逢嘉靖中從孫學詩為司寇即亦以疏擊柄臣嵩罪下獄衣杖落職陳有年曰余受室攸縣君希明攸縣人

導君子麟訓導君聘君李子也為余言聘君如此時
去聘君可五十稷鄉人譚聘君尚章章誦義不衰而
余亦從邑先輩問文正公時事語參合於戲直倭信
誣之故可以觀世矣為述而傳之

徐貞娥傳

語云蓋棺事定嗚呼死生亦大矣有死教有死志壹
諸綱常相內之節栢舟為著然不定死繇斯以降
在殺青若瓊枝朱草之表於藁林也而間有競
一女輒委身殉所字不却顧詎不稱難焉陳子曰頃

陳恭介公文集卷七

九

余聞徐貞娥事益重嘆其志云貞娥上虞人也父諸
生三賜字邑葛之泰泰殤娥聞問即於邑走小樓雉
經父母排闥入視之得無絕則亟請赴喪眾格不遂
遂衣大練自閉一室矢靡它間值家慶諸姑妯娌邀之
出娥愴然固拒曰繫不祥人也行將焉如父母戚
奩飾間陳諸左右輒又愴然循其袂曰身已縞
直棄不視切切乎恤恤乎逾二年不解顏已而名震
多慕從之媾者語稍稍聞娥大恨曰天乎身不獲
決致茲紛紛也鬻其臂至糜始娥自聞訃隱閨

痛日侵尋以病至是草竟骨立卒厝加中殤一歲耳
嗚呼脰之繆猶可稅也五內之繆不可稅也其歸一
死也泰父諸生熒臨泣曰娥果為兒死矣合諸言三
賜三賜歸其柩曰女志也嗚呼難矣古之為教者不
輕貸人於死亦不重以死律人故曰國君死社稷大
夫死衆士死制乃若婦則曰夫死稱未亡人曰從一
而終如是而已其在未為婦者抑異矣戴記有之取
女有吉日女死婿齊衰弔葬而除夫死亦如之又有
之女未廟見而死歸葬於女氏之黨兩者明著之禮

陳恭介公文集卷七

十

文可考雖然是果盡於人情而無所置隆污損益耶
否耶跡徐娥所操執同耶異耶易曰君子以致命遂
志魯論曰匹夫不可奪志志者由己者也志固則禮
從釋之志端則禮從節之志純摯則竭情歸質而自
致於天自致於天也者天之所不得違也而聖之所
不得制也教之所不得束也文之所不得傳也嗚呼
難言已難言已或閨閣而進於君子或章逢而非夫
或荏苒而能遂或軒然自雄而易奪聖人之取舍宜
何如哉童汪錡之死仲尼曰能執干戈以衛社稷雖

欲勿殤不亦可乎聖人之教章章乎其不為不可繼也津津乎其許人以志而樂成人善也徐娥生不識兩鬢然身殉焉而後瞑葛之宗未嘗告逆婦然寧兩鮮而後無憾余嘉娥以一藐殤女能用其志為世教重不宜泯泯乃為傳而論之曰若娥者加於殤禮而合之墓亦可也又曰娥高祖為聘君文彪葛生則大理卿浩曾孫也尚君當豎殯時俱有大節娥不辱云

二貞傳

余少時則見世母家蓋三娶嫂云繼重以仲氏孤之嬭

陳本介公文集卷七

十一

聚室茹荼門無偶跡亦人道之極恫也轉數數紀諸嬭闇然蓋棺余重愍之宗父老言三娶婦姚賢矣而仲氏李貞嬭者有智妻邑姜山李女也年十八而歸逮姑周媪歸一年子啓恩生啓恩生之歲先中丞則偸兵松州顧諸猶子曰有智愿遂以智往往無何病且亟中丞公泣而撫之曰母憂嬭嬭名家子當有固志有固志繼而然果立而孤則惟我在乃歸其喪而書先淑人謂周媪若有智嬭如所謂有智者

陳本介公文集卷七

十二

氏哭稍甦泣言大人豈以是堅我哉微大人寧當一心者遂稱未亡人以終李為人沉摯少言天然絕色笑亦未嘗莞盛見所難堪渾渾嘿嘿家人見者盡以為古太樸也日夕紡紵撫所生子駸駸長中丞公歸呼啓恩共余學聘周媪宗氏女已而比歲遭伯季喪中丞公又不祿火作諸居室悉燬焉周媪繼卒李彫落益甚先淑人起煨燼餘割旁舍二三楹棲其孤娶所聘婦扁戶與俱作即晝日過者寂不聞人音第時見壁間炊煬或軋軋紡紗殷始覺其有人也曰嗟乎李貞嬭能帥其新嬭一至此乎咸嘆息又數年啓恩能授童子業先淑人復佐以址數椽草草營棲婦尋舉子李亦未嘗解頤如故操久之卒距始娶三十四年五十有四而其卒也婦姚貞嬭哭倍哀以同憂患故姚貞嬭者智弟有容妻也父家上虞曰姚經歸時年十六生一子啓英未時而有容卒姚年祇李寡差長然二十九耳先一年伯氏有常亦卒一子甫亂及是則周媪子盡矣媪耄且病三娶婦相弔持藐諸孤孥如也居室穴伯氏泊姚附同堂者構寢寢屋屋

未落會有周媼之喪同堂有感於襁祥者議母內媼
肄三婆錄而哭哭已姚奮曰義不以憚憚故誦損姑
喪遂身負屍呼二奴掖我直趨寢所既寢屍復環而
哭倡議者愕然至辟睨哭甚哀則義格且業已在寢
遂不復言姚癯弱呻吟如不能言即言氣如不能屬
然鐵面廩又望而知其節也啓英幼孱甚時時病欲
不生姚劑栳襁噢咻鞠之苦心特至居常泣謂英若
父一綫脉安在吾忍死待若若不慎自立吾瞪目死
矣即吳勝冠且有室猶然若始稅襁也姚特家治於

陳恭介公文集卷七

十三

丈夫第亡論攻苦織嗇乃官私出入直用臆為計簿
歲時會稽閭門授子弟凡目傾臆如貫無爽者初時
疏耦不屬季年稍稱困羨栗簾羨布孤壯且蒙戚焉
有孫二皆聘乃卒距始娶三十七年年六十有五伯奴
楊氏先姚三年卒李貞嬪子啓恩亦蚤世所娶周媼
宗氏女二十八歲而寡頗漸二貞風力貧長二孤無
他先姚二年年未五十卒

論曰於乎余觀於二貞而重傷世之多佻也自中古
以還揭名教以愚俗興耻詎不較著於乎一何佻者

之多也二貞起村閭襁呱又不意全之孤持與俱立初
曷知名為何物卒亦曷嘗沾沾自意哉蓋性固然矣
名之持人其流使人沾沾自意而不得反其真然而
苟出於不佻君子貴之况真者哉

邵節婦傳

節婦陳氏通判陳有孚女儒生邵岱妻也嘉靖丁巳
九月初旬入贅於陳十月中旬岱患疾辭歸調理至十
二月初旬物故夫婦伉儷僅一月耳陳家法嚴整鷄
鳴起櫛沐更餘就寢率以為常黎明而岱已出就外

陳恭介公文集卷七

十四

館陳則入侍母室曾未於日中一識面及聞岱故陳
遂卸容飾素笄縞衣同母王氏過門撫棺而哭絕而
復甦者數次朝夕泣奠如禮越三月送岱柩殯於
湖祖墓之側時舅姑皆在都下其母勸且歸寧俟舅
姑還來終制未晚陳曰母自歸也我生為邵婦死為
邵鬼不幸不得以古禮于歸於邵今何忍不處室同
母歸寧乎舅姑雖官游有妯娌可依也母幸無致志
時年才十六耳母遂不之強陳今四十七歲是不踰
閨既祖以太守致仕還即請立後乃以應繼孫欽錫

後之娶宋中丞孫女為婦陳自奉最儉茹素絕暈未嘗一與禮席且孝舅姑和妯娌撫子婦愛而能勞不懈組緝欽錫宋氏亦奉教誠謹即離喪者莫是過也陳雖年未五旬未應旌表知其志不變矣特紀之論曰予讀鄺衡詩自共姜以至襄公之母六人者皆止於禮義而不敢過焉故首篇曰之死矢靡他母也天只不諒人只謂改適也而不可從終篇曰誰謂河廣一葦杭之誰謂宋遠豈予望之謂歸寧也而不可得陳氏守從夫之義遵立子之法尤能孝以事其舅

陳集介公文集卷七

十五

姑嚴以訓其子婦和以處其娣姒儉以奉其口體豈惟不改適雖歸寧亦不從也嗟呼非止于禮義而能若是乎

跋

朱貞石巡行清詠冊跋 代作

走讀朱侯巡行諸詠蓋懽然三復而嘆也曰思深哉其有蒼生之隱乎屬者亢陽為虐經川若焦原嘉穀旦暮槁且盡侯愍焉身勤為之零即間雨志弗慝也比飲趣駕復畝逖阻斗辟靡不還軫至質者歸無何告災之吏奉赫蹏上矣當是時侯所為蒿目而計蒼生隱可知也今觀諸詠大都嗟歲嘆懷時艱不為空言云走樊廬居嶮中被災寔最頃侯蓋越嶺嶺徑磧磧而菱焉耄童聚語謂宜封植道旁草木以無忘其棠其稍治丹鉛者起而托諸詩章用識勿諉夫侯為百姓涉歷綦憂勞稱詩即不足訓亦歌舞盛德之意也時走于役在外兒輩從宗人之後既彙為冊寄走傳舍走方有公家之務未暇也聊倚馬步霜韻而廢之併綴數語於末簡

陳集介公文集卷七

十六

聘

聘夏懷軒女

姻邦舊匹言歸秦晉之盟奕葉懿親珍重潘楊之睦
休茲嘉偶協於前開恭惟執事禮樂名家簪纓華閨
聲猶懋茂雲翔棠梓之鄉雅誼冲光風穆蕙葭之里
肆如衡素夙與嫺嫺江北江南居寔環於姚水為家
為室情竊比於陳村在昔伯氏之輝輝將雛詠鳳維
時餘子之碌碌有女乘龍逮及今辰復畲嗣好介帟
岐而托麗徵福前徵兆懿氏以和鳴叨諧新比狃人
非祝仲良規嘗侍喬年而地是鄰林妙選詎同逸少
斯鳴慈之俯聽繫涼德之仰依兄弟婚姻無胥遠矣
本支宗祏寔寵嘉之是用敬拜成言爰迨其吉祇循
懿典式定厥祥舜汭一蒂庸藉造舟之力周官五兩
敢忘東帛之虔誠在載書願深岳鑒

復胡之眾

人念正始慎厥與良定厥祥永言錫祚第河洲詠
淑始堪君子之述而渭涘自天惟集大邦之子豈意
高閨之振擇遂蒙純帛之貴加慶既令居懿茲盛典

陳恭介公文集卷七

十七

陳恭介公文集卷七

十八

恭惟胡老先生尊親家大人神明華胄簪紱名宗豈
惟身致三公華容為烈至若教垂百世安定足師清
畏人知父子芳標範俗學傳聖史春秋大義中天族
奕々以四聞暨於昭代賢繩々其繼作爰有偉人蚤
抽金匱石室之藏王稱吉士旋領青鎖黃門之重國
倚諍臣三尺稜風越褰帷而奠南服一丘深霧遽拂
袞而考中林念老矣之如余信瞠乎其後且也令
器稟靈函秀殊有鳳毛嚴君以愛為勞克敦經訓豈
意惠未教之息可寅緣相儼為嫺頌諸君家先正之
規幸逢勝已頓釋吾黨推魯之見寧憚越村冰問故
臨業成言於倚玉驚盟寵池顯徵福於采蘋敬告寒
衿祇訓眷命

復趙憲吾

道先正始幸諧采苻之述禮重嘉成肅拜僂皮之貺
懿嘉旭旦展也令居恭惟門下簪纓華閨傳家載奕
葉之芳教圭璧環材賓國領一時之榮問晉登廊廟
佇看龍見鳳儀鼎盛庭除賸睹芝芳蘭茁衰齡不佞
猥云撫息以相攸明德可依敢謂自天其作合惟是

前徽未遠斷金忘韓孟之年內則匪他依玉比邢譚之戚伏勵雅誼俯訂姻盟何以報之言歸於好迨其吉矣文定厥祥願微福於蘋蘩是有燕譽庶施榮於葑菲式藉寵光

復徐南軒

人道始於大昏永開胤祚天心作之良合肇協姻盟樂矣令居懿茲旭日恭惟門下東海望宗南州名裔宣勞標譖夙稱王國之臣詒穀鍾英晚毓謝庭之秀至如涼族詎意高閣猥荷謙尊過承采擇長者將兒

陳恭介公文集卷七

一九

而卜鑑具曰不遺芳孫撫息以相攸敢言非偶祥由文定豈惟下榻之驪禮寔嘉成爰視宜家之慶敬數鄙臆祇報德音願微福於采蘋是有燕譽庶施敷於倚玉式藉寵光

復邵澆山

伏念村家習樸不足以望聲華弱息生愚不足以當岐嶷惟是潘楊之睦協比婚姻秦晉之盟迭為甥舅頃尋盟於葑菲既弗鄙夷將脩睦於蕪葭洵無胥遠仰占高誼俯愜下哀爰即天謀啓篇政逢吉

蘇遂諧

冰議量才端得令攸敢不敬共倍有榮慶祥由文定庸祇拜夫瑤函悚輿忭俱敢肅申乎蕪葭伏祈幸鑒具感眷私

復鄒肖巖

僕鄙里之系家也迺心儀明德且慕為雅道交日家弟得交於執事執事雅不鄙因得承子而託婿焉既幸而許之盟交以日親茲者家弟有息齒當次即君執事復不鄙也幸而采之曰其以室余子者懿哉睦乎敢不祇承夫仰膺行僕何敢望鄒之魯矣迺若兄

陳恭介公文集卷七

二十

弟婚姻則執事者俯而肯比于陳之朱真僕所貪也是用拜奉華函薦于宗枋敬擇吉以報惟執事鑒之聘周心吾孫女

伏念寒宗固陋不足望上宅光華然而竊自幸也則棠梓相樛也草木相味也愧色機聲相接也秦嬋晉雅相絡也蓋世有厚睦而無替悰以施及我姪孫氏獲與玉枝麟趾相疊繹於文義之交申之以惇契輒敢微福前徽而締新盟焉欽哉懿乎自天寔貺合之謹藉荆載楮用定厥祥惟執事岳鴻德以錫之光亦

永有賴哉

聘徐竹軒女代伯兄

欽惟執事邑之甲宅也僕之生也菲不敢望光應然
若昔伯氏嘗不鄙而貺之盟矣猥以寒門是稱端族
日者恃茲雅也敢撫第四子介紹而請於門下輒辱
過聽錫命曰俞伯姬之家也余其女烏僕祇拜嘉命
幸之宗祏惟是先人有典諏辰以薦執事幸垂慈而
照涵之僕不勝至仰

陳恭介公文集卷八

陳恭介公文集卷之八

明餘姚心穀陳有年著

吉水南臯鄒元標校正

萬載崑崗張璧同校

從子陳啓孫付梓

冢子陳啓端編輯

墓表

銅陵令陳見山墓表

嗚呼是為故銅陵令見山陳公之墓公上虞橫山里

陳恭介公文集卷八

乙

人也起家嘉靖甲午鄉進士為銅陵令四年歸歸三十
餘年以壽終子諸生舜治走錢塘謁公故人陳方伯
誌持過不佞請表隧道之石不佞謝不獲則為擊
誌讀之蓋竦然重有感焉公諱佐字敬甫誌言公令
時嘗賑饑氓弭礦盜烝烝有庶治聲為前後部使者
所才會時相分宜家挾百重艘徑銅陵目無令公峻
折之業恚乃指江滢漁鹽巨艦為盜搜其貲株累十
餘人置縣庭去而張其事都御史所公為力白其
無辜則滋恚遂嗾所知列公不職免歸而公之歸也

性故安和。雖眈眈即閭左有侮者不校也。生平蔑穀伎修縛之好。八十三年一日云。余惟方伯能言慎許。可所稱說銅陵令如此而不佞。頃卧舍中頗聞公里居狀大都如誌。是徵也。若世系生卒配裔及諸言行詳誌中不具述。

論曰。士居常抗顏而譚率自詭豪矣。一旦當貴有力者。前惴惴伺順氣。不啻欲身為役甚。且身為殺人甘心焉。何其媚也比歸而驕其鄉食且寢處之不遺力。又何恣睢也。嗚呼。難言矣。余跡銅陵公始終類異是。

懷素介公文集卷八

二

在晚近有是多者揭而為之表

墓誌

太學生漸所周公誌銘

萬曆甲戌正月十一日。漸所周公卒。里之人無不咨咨嘆以泣者。蓋傷長者故而余時謁告歸。聞諸道踞輒亦咨咨嘆以泣。猶里人也。且重傷不遇云。歸頃之公子思寅手其舅氏太僕卿姚公翔鳳狀。屬余為銘。於乎。士所稱遇不遇。獨生乎哉。其於施聲後世亦然。公之生既韞璞發鐔。功名不耀於殺青。歿而規規不

懷素介公文集卷八

三

佞者言。豈以余能名公於不朽耶。余詎敢知曰不朽。公然觀記公矣。其何辭公諱如江字允濟。其先鄞小皎里人也。自鄞遷餘姚之千村里者曰千七公。越二十六世有西隅公。澹者富矣。然能不齷齪為富人態。折節好禮而子姓遂烝烝以賢。大夫士起家周氏之大。自是始西隅公三子仲理為王府引禮舍人。配范氏而庶室陳氏寔生公公。生而孝友特為王府公范碩人所愛。長受尚書為諸生攻文。碩試輒不第。乃以例為太學生。即太學試碩再試。輒又不第。乃慨然稱曰。吾抱利器而長此濩落。命矣夫。且丈夫達耶。自見惟我窮耶。自見亦惟我寧。其兀兀敝帚以與不在我者。驚也。於是退而惇復素之節。視躬敕家治比宗黨。屏竄絕譖行之無間。久之不言成蹊。誦義則歸德。嫩者必曰。漸所漸所矣。當是時。公家王父昆弟暨於諸子。後先鼎盛而公儼然以道義下上其間。若其微游軋憂一切。嚴利交泊若無聞者。人胥以為難云。公本有志施濟。既敝帚章句不為獨好。軒岐家言又好居善樂。其隱世拯物之意一寓諸醫。往往起蒼為

舉而不食其報遠近輻輳訴所苦亡問識不識以次畢應即凌寒襲膚歎暑汗藪藪下身視劑無倦容或曰公豈德色是者而勞若是公咲不應也公偉軀幹夙少疾從兄中丞公撫江右以病聞公竭蹶徃視卑衣衝寒因患嗽喘不自恤坐是歲復作嗽疾迄與公終始而垂歿之日卧而自診趣請其伯兄山陽丞訣念季弟廣州別駕曰吾不及見也遂瞑距生正德庚辰七月十四日履年五十有五爾說者曰盛德不自穀良樂不自壽傷哉公為人坦夷周慎寡言咲不溢

陳恭介公文集

四

為喜怒善飲人以和終其身無睚眦者人見謂長厚爾爾然公之試太學嘗館於御史大夫家夜有執重賂踰墻弓闕說者公峻斥之不為動其方介類如此而才諳復朗密家居苑抑無所見時游泄於騎箒緒畫師心指掌經緯較若具可摹而程也第令公得遇時而奮竭抒其蘊蓄所建豎可涯量哉一尼於命不出里門竟沒此君子所為重傷也公配姚氏太僕公女弟子五長即思寅庠生娶邵武府同知諸公變女繼姚氏次思賓庠生娶夏氏次思宏娶楊氏次思宣

娶吳氏俱姚出思家娶吳氏庶室沈氏出孫男五昌達昌俊昌佐昌進昌傑孫女一俱幼思寅等卜以卒之歲閏十二月葬公運河祖塋之南銘曰於周公疇於遇考而亨於脩匪直也脩亦有與人釋呻而謳命耶曷仇未霜歟難長者莫留人亦云乎百歲蚍蜉萬鍾贅疣不朽者名孰永孰適我銘斯丘維以聞幽

文林即北城兵馬司副指揮近齋劉公誌銘

余舅氏司城劉公卒之七閱月而子貴池君偕二弟

陳恭介公文集

五

者未也介別駕葛君焜狀屬銘公墓曰先君子不足辱子雖然子以子之先淑人故辱狀世父鎮江公矣敢繼以請嗚呼曩余狀鎮江公固曰先淑人寔臨之茲又何辭公諱本字元仁別號近齋世居上虞郭東鳳林里相傳出漢宗裔自唐宋積有聞人公祖祥父封文林公瀟母葉孺人生鎮江府判公本及公卒繼張氏生經衛君木大學君禾蓋後先起矣而兩親者封若贈也則用公貴云公蚤受博士家言弱冠補邑諸生旋應例入太學為大司成李公所器顧屢試

輒不第奉文林公諭謁選得北城兵馬副指揮故事城有分區巡察使知公亡害每檄蕪理以治辦稱滿三年考授勅推恩如制文林公既拜命而喜可知也曰吾得及吾生而觀子之舉職也已亡何丁文林公喪歸歸之明年而報罷家居逾三十年以壽終公生平剛嚴人憚之見謂難犯事先孝即遠祖祠墓必飭祭必虔凡一再為鄉飲賓而狀又言當邑人徐比部䟽劾嚴相逮杖都官獄也公陰護之觸嚴憲已竟罷公蓋猶以前過云公卒於萬曆壬午二月十

陳恭介公文集卷八

六

一距生弘治丙寅七月二十五日享年七十有七配薛孺人學博公維熊女先公若干年卒生子一點由太學生官貴池縣丞側室馬氏耿氏耿生二子熙燕熙娶張氏忤女熙娶陸氏某女熙娶羅氏主簿君瑞恩女孫男四應龍聘范氏某女應麟應辰皆熙出應鳳燕出孫女三長適葛時即別駕君子次適謝獻可太學君果子皆點出一幼未字燕出初薛孺人卒公治兩窀餘姚雲樓山之原而虛其左曰吾所樂也至是諸子卜以公卒之歲某月某日奉柩變焉而余

小子系之銘銘曰

雲之山鬱葱兮繫司城公之封兮以孺人從兮生洵樂是兮沒而閔茲宮兮不泐者言微無窮兮

贈文林郎太常寺博士南河雷公暨配封太孺

人韓氏合葬誌銘

代作

此贈太常博士雷公暨配韓太孺人墓也余覽博士君狀蓋惻惻為傷之云往嘉靖乙卯陝右歲侵其冬地大震連數十百城蕩礪露單民多捐瘠死不死起剝蓋藏家自救官虞亂權宜用重典不問剝微甚一

陳恭介公文集卷八

七

切死域內盡痛公家故有困積屬故所析箸伯仲家若干指合駟駟而食迄生理復始聽婦又時時徧存里中戶餽之粟蓋所出逾若干石不為籍以故公里中獨無死捐瘠無死剝無坐剝死辟當是時人人誦公義久之公施人而斃於所施孺人歿其事復誦孺人各前稱衆稍稍稱天定矣然博士君猶怛怛曰父死之謂何且母奚以瞑也噫苦心哉公名世濟字天德別號南河居士世家朝邑新市鎮曾祖遜祖景